

1979-05-30 – SS Ioannes Paulus II – Epistula ‘In Poloniam Propediem’

IOANNES PAULUS PP. II

***EPISTULA AD
PAULUM CARDINALEM BERTOLI
SANCTAE ROMANAEC ECCLESIAE CAMERARIO***

*Venerabili Fratri Nostro Paulo Cardinale Bertoli
Sanctae Romanae Ecclesiae Camerario*

IN POLONIAM PROPEDIEM profecturis, ubi — ut notum est — sollemnia ob nonum saeculum revolutum a S. Stanislai, Episcopi ac Decessoris Nostris in sede Cracoviensi, martyrio celebrantur, expedire Nobis videtur, ut negotia, quae Nostro indigent interventu, itineris Nostris tempore, id est a die II ad diem X mensis Iunii hoc anno, per Sanctae Romanae Ecclesiae Cardinalem, quatenus opus sit, accentur.

Quapropter tibi, Venerabilis Frater Noster, qui munere eiusdem Romanae Ecclesiae Camerarii fungeris, potestatem delegamus largiendi, absentiae Nostris tempore, si periculum sit in mora, auditio Sacro Dicasterio cuius interest, et servatis servandis, indulta, facultates et gratias, quae Nosmet ipsi praebere consuevimus, itemque consulendi, si casus singulariter gravis occurrat, et competens Sacra Curiae Romanae Congregatio id flagitaverit, regimini alicuius dioecesis per Administratoris Apostolici nominationem.

Rogamus te etiam, ut impensas preces per illos dies fundas ad Deum, quo ampliorum fructuum spiritualium ferax evadat hoc iter Nostrum, intercedente Beata Maria Virgine, quae in Sanctuario Clari Montis summa pietate.

Tibi denique, Venerabilis Frater Noster, cuius observantiam in Petri Sedem rerumque usum cognita habemus, Benedictionem Apostolicam fraternae dilectionis Nostrae testimonium, amanter impertimus.

Ex Aedibus Vaticanis, die XXX mensis Maii, anno MCMLXXIX, Pontificatus Nostri primo.

IOANNES PAULUS PP. II